

官鑄印以守竟符三丰言或言三丰金時人元初與劉秉忠同師後學道於鹿邑之上清宮然皆不可攷天順三年英宗賜誥贈爲通微顯化真人終莫測其存否也

列傳 見微異錄

祇園居士

張邈暹名君實字鉉一別字玄玄遼東懿州人張仲安第五子也丰姿魁偉龜形鶴骨大耳圓目鬚髯如戟頂作一髻自號保和容忍三丰子手執刀尺寒暑惟衣一衲或處窮寂或游市口浩浩自如旁若無人有問之者終日不答一語及與論三教經書則吐辭滾滾皆本道德忠孝每遇事輒先知或三五日兩三月始一食然登山如飛或隆冬臥雪中藹射如雷時人咸異之

道藏輯要

三丰全集 傳攷記

五

續畢集七  
卷之八

因呼爲張邈暹元末居寶雞金臺觀嘗一日辭世而逝從者爲棺殮臨窆發視之復生乃入蜀抵秦游襄鄧往來長安歷隴岷甘肅洪武初入武當登天柱峰徧歷名勝使弟子邱元靖住五龍廬秋雲住南巖劉古泉楊善登住紫霄乃自結草廬於展旗峰北曰遇真宮草菴於土城曰會仙館令弟子周真得守之洪武庚午拂袖長往不知所之明年太祖遣三山道士請造朝了不可見或曰住青州雲門洞永樂初遣給事中胡濙指揮楊永吉等物色之不得十年二月成祖爲書詔道士元虛子往武當於玄玄舊遊處建道場焚書冀有聞焉不獲仍御製詩賜之有若遇真仙張有道爲言必歎長相思之句天順末或隱或現上

聞之封通微顯化真人後往來鶴鳴山半年不知所終

列傳 見七修類稿

明郎瑛

張仙名君實字全一遼東懿州人別號立立又號保和容忍三丰子時人又稱張邈邈天順三年曾來謁帝予見其像鬚鬢堅上一髻背垂面紫大腹而攜笠者上為錫誥之文封為通微顯化大真人

列傳 淮海雜記

明陸西星

三丰老仙龍虎裔孫也其祖裕賢公學能兼占象移家於金之懿州與子昌隱於民間及懿為元人所拔始稍稍以名字聞然昌公固優游世外者也夫人林氏先以二乳生四子曰遨曰游

道藏輯要

三丰全集 傳攷記

六

續畢集七 六八上

曰道曰遙皆早歿既更與二子曰通曰達通即老仙也降誕之夕林夢斗母元君手招大鶴止屋長嘯三聲而驚寤遂就褥焉幼有異質長負才藝遊燕京故交劉秉忠見而奇之曰真仙才也默挈之久乃得一宰於中山苦寒之地以丁憂歸遂不復出嘗言富貴如風燈草露光陰似雨電浮漚乃決志求道訪師終南得聞火龍妙諦漸乃徃狂垢汚人不能識生平詩文每起稿於樹皮苔肉茶湯七箸間積數十年猶能記誦然未嘗錄以示人也故元朝文藝中無有知者子道意孫鳴鸞鳴鶴鸞入明初遷淮揚六世孫花谷道人即鸞嫡孫與余為方外友其家有林園之勝老仙嘗至其家叩以當年軼事則書雲遊詩若干篇寶誥數